

अग्नि॒व्यः प्रा॒जाप॒त्या य॒दग्निरु॒पश्य॑त्तेनाग्ने॒व्यो य॒त्प्रजा॒पति॑मा॒प्रीणा॑त्तेन प्रा॒जाप॒त्याः
 ॥३३॥ ता वि॒षमा वि॒षम॑पदाः । वि॒षमाक्ष॑रा वि॒षमाणि॑ हि ह॒न्दाऽस्य॑थो यान्य॒-
 स्या॒ध्यात्म॑म॒ङ्गानि॑ वि॒षमाणि॑ ता॒न्यस्यै॒ताभिरा॑प्रीणाति ॥३४॥ वैश्वान॒रः प॒शुपुरो॒-
 डा॒शः । वैश्वान॒रो वै स॒र्वेऽग्नयः॑ स॒र्वेषा॑मग्नीनामुपात्यै ॥३५॥ यदे॒व वैश्वान॒रः ।
 ऋ॒त॒वो ह॑ते यदे॒ताश्चित॑योऽग्नयो वाऽऋ॒त॒व ऋ॒त॒वः सं॒वत्स॒रः सं॒वत्स॒रो वैश्वान॒रो
 य॒दग्नय॑ इति स्याद॒ति त॒द्रेच॑येद्द्वाद॒शक॑पालो द्वा॒दश॑ मा॒साः सं॒वत्स॒रः सं॒वत्स॒रो वै-
 श्वान॒र अग्नि॒व्यो या॒ज्यानु॒वाक्या॑ अग्नि॒रूपा॒णामु॒पात्यै॑ का॒मव॑त्यः का॒माना॑मुपात्यै
 ॥३६॥ तद्वै॒के । इत्ये॒वैता॒नि प॒शुशी॒र्षाणि॑ वि॒त्रोप॑दधत्युभयेनैते प॒श॒व इति॑ ते
 ह ते म॒र्त्याः कु॒णपाः॑ स॒म्भव॑त्यनाप्रीतानि हि ता॒नि त॒द्व त॒थाषा॑ढेः सौ॒श्रोम॑तेय॒-
 स्योप॑दधुः स ह क्षिप्र॒ऽएव॑ ततो म॒मार ॥३७॥ हिर॑ण्म॒यान्यु॒ द्वैके॑ कुर्वन्ति । अ॒-
 मृ॒तेष्ट॑का इति व॒दन्त॑स्ता ह ता अ॒नृ॒तेष्ट॑का न हि ता॒नि प॒शुशी॒र्षाणि॑ ॥३८॥
 मृ॒न्म॒यान्यु॒ द्वैके॑ कुर्वन्ति । उ॒त्स॒न्ना वाऽए॒ते प॒श॒वो यद्वै॑ किंचो॒त्स॒न्नमि॑यं त॒स्य स॒-
 र्वस्य॑ प्रति॒ष्ठा तद्य॒त्रैते॑ प॒श॒वो ग॒तास्त॑त ए॒नान॒धि स॒म्भ॒राम॑ इति न त॒था कुर्या॑-
 द्यो वाऽए॒तेषा॑मावृ॒तं च ब्रा॒ह्मणं॑ च न वि॒द्यात्त॒स्यैत॑ऽउ॒त्स॒न्नाः स्युः स ए॒तानि॑व
 प॒ञ्च प॒शूना॒लभे॑त याव॒दस्य॑ व॒शः स्या॑त्ता॒न्द्दैता॑न्प्रजा॒पतिः॑ प्रथ॒म आ॒लेभे॑ श्या॒पर्णाः
 सा॒यका॒यनोऽन्त॑मोऽथ ह स्मै॒तानि॑वा॒न्तरे॑णा॒लभ॑न्तेऽथै॒तर्ही॒मौ द्वा॒वेवा॒लभ्ये॑ते प्रा॒-
 जा॒पत्य॑श्च वा॒यव्य॑श्च तयो॒रतो॑ ब्रा॒ह्मण॑मुच्यते ॥३९॥ ब्रा॒ह्मण॑म् ॥४ [२. १.] ॥ प्र॒-
 थ॒मः प्र॒पाठ॑कः । क॒ण्डिका॑संख्या ११० ॥ ॥

प्रा॒जाप॒त्यं च॒रका॑ आ॒लभ॑न्ते । प्रजा॒पति॑रग्निं चि॒त्वाग्नि॑र॒भव॑त्तद्यदे॒तमा॒लभ॑ते त॒-
 दे॒वाग्ने॑रु॒न्तं प॒र्येती॑ति ॥१॥ श्या॒मो भ॑वति । द्वा॒यानि॑ वै श्या॒मस्य॑ लो॒मानि॑ शु॒क्ला॒-
 नि च कृ॑ष्णा॒नि च द॒न्द्मं मि॒थुनं॑ प्र॒जन॑नं त॒दस्य॑ प्रा॒जाप॒त्यं च॒ रूपं॑ तू॒परो भ॑वति
 तू॒परो हि॑ प्रजा॒पतिः॑ ॥२॥ तस्यै॒कवि॑ंशतिः सा॒मिधे॑न्यः । द्वा॒दश॑ मा॒साः प॒ञ्चऽर्त॑-